

**ZAPISNIK O RADU ČETVRTE SJEDNICE
GRADSKOG VIJEĆA GRADA SARAJEVA
ODRŽANE 31.05.2017. GODINE**

Broj: 01-02-956/17

Datum: 31.05.2017. godine

Sjednica je počela s radom u 10.00 sati.

Sjednicom je predsjedavao **Dr. Igor Gavrić**, predsjedavajući Gradskog vijeća Grada Sarajeva.

Prisutni su bili sljedeći gradski vijećnici:

- | | |
|----------------------------|--------------------------|
| 1. Mr.Hazim Bahtanović | 15. Almedin Miladin |
| 2. Bajro Biber | 16. Snežana Omukić |
| 3. Mr.Vedad Deljković | 17. Mr.Enes Peštek |
| 4. Vedran Dodik | 18. Mr.Srđan Simonović |
| 5. Mr.Tea Dreković | 19. Srđan Srdić |
| 6. Samir Fazlić | 20. Mr. Sead Srna |
| 7. Sanela Fijuljanin | 21. Dado Stojnić |
| 8. Edina Gabela | 22. Barbara Stroil Peleš |
| 9. Dr. Igor Gavrić | 23. Nihad Uk |
| 10. Reuf Hafizović | 24. Lana Velić |
| 11. Mr.Vibor Handžić, | 25. Toni Vukadin |
| 12. Mira Jurić | 26. Adnan Talić |
| 13. Prof.dr. Velija Katica | 27. Nuko Grebović |
| 14. Miro Lazović | |

Odsutni: Mr. Miroslav Živanović (najavljen izostanak)

Pored gradskih vijećnika sjednici su prisustvovali:

1. Mr. Abdulah Skaka, Gradonačelnik,
2. Ivica Šarić, zamjenik Gradonačelnika
3. Milan Trivić, zamjenik Gradonačelnika
4. Safet Krajišnik, Sekretar Gradskog vijeća,
5. Jasmina Karović, pravobranilac Grada Sarajeva,
6. Elvir Hadžiahmetović, sekretar Gradske uprave,
7. Firdevsa Bračković, pomoćnik Gradonačelnika za lokalno poslovanje i razvoj grada,
8. Dragana Solaković, pomoćnik Gradonačelnika za lokalnu samoupravu,
9. Nedreta Komarica, pomoćnik Gradonačelnika za urbano planiranje i stambene poslove,
10. Amela Kolovrat, pomoćnik Gradonačelnika za finansije,
11. Hamdo Karić, pomoćnik Gradonačelnika za komunalne poslove,

12. Amina Deljković, pomoćnik Gradonačelnika za obrazovanje, kulturu i sport
13. Članovi Komisije za Statut i akte koji nisu gradski vijećnici (prema evidenciji u Službi Gradskog vijeća)
14. Senahid Godinjak, direktor EYOF, d.o.o. Istočno Sarajevo
15. Avdija Hasanović, direktor JP „Olimpijski bazen Otoka“, d.o.o. Sarajevo

Predsjedavajući Gradskog vijeća Igor Gavrić je pozdravio prisutne gradske vijećnike i goste te otvorio Četvrtu sjednicu Gradskog vijeća Grada Sarajeva konstatacijom da sjednici prisustvuje 25 gradskih vijećnika, da je izostanak najavio gradski vijećnik Miroslav Živanović, a da je kašnjenje najavila gradska vijećnica Sanela Fijuljanin.

Zatim je konstatirao da sjednica Gradskog vijeća ima kvorum za punovažan rad i odlučivanje, te da se gradska vijećnica Sanela Fijuljanin pridružila radu sjednice.

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva je većinom glasova, izjasnivši se sa 25 glasova “za”, jednim glasom “protiv” i bez “suzdržanih” glasova prisutnih gradskih vijećnika, usvojilo Zapisnik o radu Treće sjednice Gradskog vijeća Grada Sarajeva održane 26.04.2017. godine.**

Predsjedavajući Gradskog vijeća Igor Gavrić je zatim najavio utvrđivanje dnevnog reda sjednice i dao uvodne napomene sljedećeg sadržaja.

Uz poziv za sjednicu Gradskog vijeća, gradskim vijećnicima je dostavljen prijedlog dnevnoga reda sa materijalima i izvještajima nadležnih radnih tijela o predloženim aktima. Izvještaji sa sjednica radnih tijela održanih naknadno dostavljeni su pred početak sjednice. Pred početak sjednice dostavljen je i prijedlog za zaključivanje vezano za Javnu raspravu o Amandanima na Ustav Kantona Sarajevo. Zatim je najavio razmatranje prethodnih pitanja.

Gradski vijećnik Toni Vukadin iznio svoj stav vezan za Poslovničko, odnosno etičko pitanje, a koje se odnosilo na zakazivanje sjednice Gradskog vijeća na dan kada se obilježava stradanje civila u Prijedoru 1992. godine.

Predsjedavajući Gradskog vijeća Igor Gavrić je dao uvodne napomene sljedećeg sadržaja.

U skladu s članom 121. Poslovnika Gradskog vijeća Grada Sarajeva predloženi su za razmatranje po skraćenom postupku sljedeći akti:

- Prijedlog Odluke o razrješenju članova radnih tijela Gradskog vijeća Grada Sarajeva,
- Prijedlog Odluke o izboru članova radnih tijela Gradskog vijeća Grada Sarajeva,
- Prijedlog Odluke o organizaciji i djelokrugu organa uprave Grada Sarajeva,
- Prijedlog Odluke o izmjeni i dopuni Odluke o platama i naknadama u organima Grada Sarajeva,
- Prijedlog Odluke o davanju saglasnosti na Pravilnik o unutrašnjoj organizaciji Pravobranilaštva Grada Sarajeva.

Bez rasprave, na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva je jednoglasno, izjasnivši se sa 27 glasova “za”, bez glasova “protiv” i bez “suzdržanih” glasova prisutnih gradskih vijećnika, usvojilo prijedlog** da se Odluka o razrješenju članova radnih tijela Gradskog vijeća Grada Sarajeva razmatra u formi prijedloga po skraćenom postupku.

Bez rasprave, na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva je jednoglasno, izjasnivši se sa 25 glasova “za”, bez glasova “protiv” i bez “suzdržanih”**

glasova prisutnih gradskih vijećnika (dva gradska vijećnika se nisu izjasnila), usvojilo prijedlog da se Odluka o izboru članova radnih tijela Gradskog vijeća Grada Sarajeva razmatra u formi prijedloga po skraćenom postupku.

Bez rasprave, na poziv Predsjedavajućeg Gradskog vijeća Igora Gavrića, Gradsko vijeće Grada Sarajeva, većinom glasova, izjasnivši se sa 24 glasa “za”, dva glasa “protiv” i uz jedan “suzdržan” glas prisutnih gradskih vijećnika, usvojilo je prijedlog da se Odluka o organizaciji i djelokrugu organa uprave Grada Sarajeva razmatra u formi prijedloga po skraćenom postupku.

Bez rasprave, na poziv Predsjedavajućeg Gradskog vijeća Igora Gavrića, Gradsko vijeće Grada Sarajeva je jednoglasno, izjasnivši se sa 27 glasova “za”, bez glasova “protiv” i bez “suzdržanih” glasova prisutnih gradskih vijećnika, usvojilo prijedlog da Odluka o izmjeni i dopuni Odluke o platama i naknadama u organima Grada Sarajeva razmatra u formi prijedloga po skraćenom postupku.

Bez rasprave, na poziv Predsjedavajućeg Gradskog vijeća Igora Gavrića, Gradsko vijeće Grada Sarajeva, jednoglasno, izjasnivši se sa 27 glasova “za”, bez glasova “protiv” i bez “suzdržanih” glasova prisutnih gradskih vijećnika, usvojilo je prijedlog da se Odluka o davanju saglasnosti na Pravilnik o unutrašnjoj organizaciji Pravobranilaštva Grada Sarajeva razmatra u formi prijedloga po skraćenom postupku.

Predsjedavajući Gradskog vijeća Igor Gavrić je zatim upoznao gradske vijećnike da je Gradonačelnik predložio da se u prijedlog dnevnog reda uvrsti za razmatranje po hitnom postupku i Odluka o dopuni Odluke o izvršenju Budžeta Grada Sarajeva za 2017. godinu u formi prijedloga.

U ime Gradonačelnika, Amela Kolovrat, pomoćnik Gradonačelnika za finansije je, obrazložila razloge za razmatranje predloženog akta po hitnom postupku.

Bez rasprave, na poziv Predsjedavajućeg Gradskog vijeća Igora Gavrića, Gradsko vijeće Grada Sarajeva, jednoglasno, izjasnivši se sa 27 glasova “za”, bez glasova “protiv” i bez “suzdržanih” glasova prisutnih gradskih vijećnika, usvojilo je prijedlog da se Odluka o dopuni Odluke o izvršenju Budžeta Grada Sarajeva za 2017. godinu razmatra u formi prijedloga po hitnom postupku.

Na poziv Predsjedavajućeg Gradskog vijeća Igora Gavrića, Gradsko vijeće Grada Sarajeva je jednoglasno, izjasnivši se sa 27 glasova “za”, bez glasova “protiv” i bez “suzdržanih” glasova prisutnih gradskih vijećnika usvojilo dneveni red Četvrte sjednice Gradskog vijeća:

1. Javna rasprava o Amandmanima L do LV na Ustav Kantona Sarajevo s Informacijom Gradonačelnika o aktivnostima u Kantonu Sarajevo usmjerenim na ustavnu reformu i reformu lokalne samouprave sa stavovima Grada Sarajeva
2. Prijedlog Odluke o razrješenju članova radnih tijela Gradskog vijeća Grada Sarajeva
3. Prijedlog Odluke o izboru članova radnih tijela Gradskog vijeća Grada Sarajeva
4. Prijedlog Odluke o organizaciji i djelokrugu organa uprave Grada Sarajeva
5. Prijedlog Odluke o izmjeni i dopuni Odluke o platama i naknadama u organima Grada Sarajeva
6. Prijedlog Odluke o davanju saglasnosti na Pravilnik o unutrašnjoj organizaciji Pravobranilaštva Grada Sarajevo

7. **Prijedlog Odluke o dopuni Odluke o izvršavanju Budžeta Grada Sarajeva za 2017. godinu**
8. **Izveštaj o preduzetim aktivnostima i toku priprema za održavanje EYOF 2019**
9. **Izveštaj o realizaciji projekta stipendiranja učenika srednjih škola u školskoj 2016/2017. godini**
10. **Izveštaj o radu i poslovanju JP „Olimpijski bazen Otoka“ d.o.o. Sarajevo za 2016. godinu**
11. **Nacrt Odluke o usvajanju Regulacionog plana „Bojnik II“ s Nacrtom Odluke o provođenju Regulacionog plana „Bojnik II“**
12. **Informacija o izvršenju Budžeta Grada Sarajeva za period 01.01. - 31.03.2017. godine**
13. **Informacija o izgradnji biciklističke staze na potezu Nedžarići-Skenderija**
14. **Informacija o stanju zdravlja mladih u gradu Sarajevu u segmentu promocije odgovarajuće ishrane i fizičke aktivnosti**
15. **Vijećnička pitanja i inicijative**

Na poziv **Predsjedavajućeg Gradskog vijeća Igora Gavrića**, gradski vijećnici su u minuti koja je uslijedila, odali počast žrtvama zločina u Prijedoru.

Ad 1)

Javna rasprava o Amandmanima L do LV na Ustav Kantona Sarajevo s Informacijom Gradonačelnika o aktivnostima u Kantonu Sarajevo usmjerenim na ustavnu reformu i reformu lokalne samouprave sa stavovima Grada Sarajeva

Predsjedavajući Gradskog vijeća Igor Gavrić je najavio temu, a zatim se Gradskom vijeću obratio **Gradonačelnik Abdulah Skaka**, te je uslijedilo uvodno izlaganje o podnesenoj Informaciji Gradonačelnika, a koje je podnijela pomoćnik Gradonačelnika za lokalnu samoupravu Dragana Solaković.

Predsjedavajući Gradskog vijeća Igor Gavrić, u ime Kolegija Gradskog vijeća, je obrazložio predložene zaključke, uz uvodne napomene sljedećeg sadržaj.

Rasprava o Amandmanima L do LV Vlade Kantona Sarajevo na Ustav Kantona Sarajevo, uz razmatranje Informacije Gradonačelnika, provedena je u svim radnim tijelima Gradskog vijeća. Kolegij Gradskog vijeća je sublimirao mišljenja radnih tijela i stavove Gradonačelnika u jedinstven prijedlog zaključaka i uputio Gradskom vijeću na razmatranje kako bi očitovanjem o takvom prijedlogu, Gradsko vijeće formiralo mišljenje Grada Sarajeva o Amandmanima L do LV na Ustav Kantona Sarajevo i uputilo Skupštini Kantona Sarajevo kao prilog javnoj raspravi.

Gradski vijećnik Vibor Handžić je u svojoj diskusiji formulirao prijedlog za zaključivanje. **Predložio je da Gradsko vijeće, u povodu razmatranja ove teme uputi inicijativu** Parlamentu Federacije Bosne i Hercegovine za izmjenu Ustava Federacije Bosne i Hercegovine u dijelu koji propisuje da Gradsko vijeće bira Gradonačelnika, tako da se omogući za ubuduće direktan izbor Gradonačelnika.

Na poziv **Predsjedavajućeg Gradskog vijeća Igora Gavrića**, **Gradsko vijeće Grada Sarajeva, jednoglasno**, izjasnivši se sa 27 glasova “za”, bez glasova “protiv” i bez “suzdržanih” glasova prisutnih gradskih vijećnika, usvojilo je Mišljenje o prijedlogu Amandmana od L do LV na Ustav Kantona Sarajevo u okviru javne rasprave Skupštine Kantona Sarajevo.

Na poziv Predsjedavajućeg Gradskog vijeća Igora Gavrića, Gradsko vijeće Grada Sarajeva, jednoglasno, bez rasprave, izjasnivši se sa 25 glasova “za”, bez glasova “protiv” i bez “suzdržanih” glasova prisutnih gradskih vijećnika (dva se gradska vijećnika nisu izjasnila), na prijedlog gradskog vijećnika Vibora Handžića, usvojilo je sljedeći zaključak:

Gradsko vijeće Grada Sarajeva će kod nadležnih organa Federacije Bosne i Hercegovine, inicirati podnošenje inicijative za izmjenu i dopunu Ustava Federacije Bosne i Hercegovine (VI.A. Gradske vlasti), u dijelu koji propisuje da Gradsko vijeće bira gradonačelnika, tako da se, za ubuduće, omogući direktan izbor gradonačelnika.

Ad 2)

Prijedlog Odluke o razrješenju članova radnih tijela Gradskog vijeća Grada Sarajeva

Na poziv Predsjedavajućeg Gradskog vijeća Igora Gavrića, Gradsko vijeće Grada Sarajeva, jednoglasno, bez rasprave, izjasnivši se sa 25 glasova “za”, bez glasova “protiv” i bez “suzdržanih” glasova prisutnih gradskih vijećnika (dva se gradska vijećnika nisu izjasnila), usvojilo je Odluku o razrješenju članova radnih tijela Gradskog vijeća Grada Sarajeva kako je predložena.

Ad 3)

Prijedlog Odluke o izboru članova radnih tijela Gradskog vijeća Grada Sarajeva

Na poziv Predsjedavajućeg Gradskog vijeća Igora Gavrića, Gradsko vijeće Grada Sarajeva, jednoglasno, bez rasprave, izjasnivši se sa 25 glasova “za”, bez glasova “protiv” i bez “suzdržanih” glasova prisutnih gradskih vijećnika (dva se gradska vijećnika nisu izjasnila), usvojilo je Odluku o izboru članova radnih tijela Gradskog vijeća Grada Sarajeva kako je predložena.

Ad 4)

Prijedlog Odluke o organizaciji i djelokrugu organa uprave Grada Sarajeva

U uvodnim napomenama Predsjedavajući Gradskog vijeća Igor Gavrić podsjetio je gradske vijećnike da je predlagač odluke Gradonačelnik.

Gradskom vijeću se obratio **Gradonačelnik Abdulah Skaka**, te je uslijedilo uvodno izlaganje o predloženoj odluci, a koje je podnijela **Sabina Hadžiahmetović**, **stručni savjetnik u Gradskoj službi za opću upravu**.

Uslijedila je rasprava u kojoj su sudjelovali **gradski vijećnik Vedran Dodik i Predsjedavajući Gradskog vijeća Igor Gavrić**, odgovore na pitanja, u ime Gradonačelnika dala je **Sabina Hadžiahmetović** **stručni savjetnik u Gradskoj službi za opću upravu**, a raspravu su nastavili **gradski vijećnik Vedran Dodik, Predsjedavajući Gradskog vijeća Igor Gavrić i gradski vijećnik Nihad Uk**. Odgovore na pitanja je zatim dao i **Gradonačelnik Abdulah Skaka**, a svoju diskusiju je nastavio **Predsjedavajući Gradskog vijeća Igor Gavrić**, te je dodatno obrazlagao prijedlog **Gradonačelnik Abdulah Skaka**, a zatim u ime Gradonačelnika i **savjetnik Gradonačelnika za pravna pitanja Maja Hadžihalilović**, te su se raspravi pridružili **gradski vijećnik Vedran Dodik i gradski vijećnik Velija Katica**, a zatim je svoje mišljenje dala i **Jasmina Karović, gradski pravobranilac**. Rasprava je nastavljena pitanjima **gradskog vijećnika Vedrana Dodika** i odgovorima **savjetnice Gradonačelnika za pravna pitanja Maje Hadžihalilović**, a zatim su diskutirali i **gradski vijećnik Velija Katica, gradski vijećnik Vibor Handžić**, te je ponovo prijedlog obrazlagala **savjetnik Gradonačelnika za pravna pitanja Maja Hadžihalilović**, potom je rasprava nastavljena pitanjima **gradskog vijećnika Vibora Handžića** i

odgovorima savjetnice Gradonačelnika za pravna pitanja Maje Hadžihalilović. Zatim se raspravi pridružio i gradski vijećnik Nuko Grebović, te gradski vijećnik Vedran Dodik, gradski vijećnik Toni Vukadin, Predsjedavajući Gradskog vijeća Igor Gavrić, te ponovo gradski vijećnik Vedran Dodik. Poslije obraćanja Gradonačelnika Abdulaha Skake, uslijedila je rasprava gradskog vijećnika Vedrana Dodika, Gradonačelnika Abdulaha Skake i Predsjedavajućeg Gradskog vijeća Igora Gavrića koji je, na zahtjev gradskog vijećnika Velije Katice, predsjedavajućeg Kluba gradskih vijećnika SDA, najavio pauzu.

Nakon pauze, gradski vijećnik Velija Katica je zatražio mišljenje predsjedavajućeg Komisije za Statut i akte, te je Izmir Hadžiavić, predsjedavajući Komisije za Statut i akte dao svoje mišljenje o predloženom aktu. Raspravu su nastavili gradski vijećnik Vedran Dodik, gradski vijećnik Miro Lazović, gradski vijećnik Vibor Handžić i Predsjedavajući Gradskog vijeća Grada Sarajeva Igor Gavrić, a zatim se ponovo Gradskom vijeću obratio Gradonačelnik Abdulah Skaka, a raspravu su nastavili gradski vijećnik Miro Lazović i gradski vijećnik Toni Vukadin.

Na poziv Predsjedavajućeg Gradskog vijeća Igora Gavrića, Gradsko vijeće Grada Sarajeva, sa 13 glasova "za", devet "protiv" i četiri "suzdržana" glasa prisutnih gradskih vijećnika (jedan gradski vijećnik se nije izjasnio), nije usvojilo Odluku o organizaciji i djelokrugu organa uprave Grada Sarajeva.

Ad 5)

Prijedlog Odluke o izmjeni i dopuni Odluke o platama i naknadama u organima Grada Sarajeva

Predsjedavajući Gradskog vijeća Igor Gavrić je najavio razmatranje nove teme, te je sudjelovao u raspravi nakon gradskog vijećnika Vibora Handžića.

Na poziv Predsjedavajućeg Gradskog vijeća Igora Gavrića, Gradsko vijeće Grada Sarajeva, jednoglasno, izjasnivši se, sa 25 glasova "za", bez glasova "protiv" i bez "suzdržanih" glasova prisutnih gradskih vijećnika (dva gradska vijećnika se nisu izjasnila), usvojilo je Odluku o izmjeni i dopuni Odluke o platama i naknadama u organima Grada Sarajeva.

Ad 6.)

Prijedlog Odluke o davanju saglasnosti na Pravilnik o unutrašnjoj organizaciji Pravobranilaštva Grada Sarajevo

Predsjedavajući Gradskog vijeća Igor Gavrić je najavio razmatranje nove teme, te je na zahtjev gradske vijećnice Snežane Omukić, pravobranilac Grada Sarajeva Jasmina Karović podnijela uvodno izlaganje.

Uslijedila je rasprava u kojoj je gradski vijećnik Toni Vukadin iznio prijedlog za zaključivanje o kojem se očitovala Jasmina Karović, pravobranilac Grada Sarajeva. U raspravi je sudjelovao i Gradski vijećnik Vedran Dodik, a budući da je gradski vijećnik Toni Vukadin ostao pri svom amandmanu, gradski vijećnik Vibor Handžić, predsjedavajući Kluba gradskih vijećnika Naše stranke, je zatražio, a Predsjedavajući Gradskog vijeća, najavio pauzu.

Nakon pauze, Predsjedavajući Gradskog vijeća Igor Gavrić je najavio nastavak rada, a gradski vijećnik Vibor Handžić je obrazložio razloge za pauzu.

Uslijedila je rasprava u kojoj su određena pitanja postavili **gradski vijećnik Vedran Dodik i gradski vijećnik Nihad Uk**, a odgovore na pitanja i dodatna obrazloženja dala je **Pravobranilac Grada Sarajeva Jasmina Karović**.

Na poziv Predsjedavajućeg Gradskog vijeća Igora Gavrića, Gradsko vijeće Grada Sarajeva, većinom glasova, izjasnivši se, sa 17 glasova “za”, dva glasa “protiv” i uz četiri “suzdržana” glasa prisutnih gradskih vijećnika (dva gradska vijećnika se nisu izjasnila), na prijedlog gradskog vijećnika Tonia Vukadina, usvojilo amandman sljedećeg sadržaja.

U članu 8. stav 4. Pravilnika o unutrašnjoj organizaciji Pravobranilaštva Grada Sarajeva na koji je predloženo davanje saglasnosti Gradskog vijeća, potrebno je navesti radno iskustvo od najmanje tri godine nakon položenog pravosudnog ispita kao uslov za imenovanje pravobranioca Grada Sarajeva, umjesto „pet godina radnog iskustva poslije položenog pravosudnog ispita“, a uz sljedeće obrazloženje.

Temeljni propisi kojim su regulisani uslovi za imenovanje pravobranioca i sa kojim svi ostali akti Grada Sarajeva u kontekstu pravobranilačke funkcije moraju biti usklađeni, je Zakon o pravobranilaštvu Kantona Sarajeva ("Službene novine Kantona Sarajeva, broj 35/08-novi prečišćeni tekst, 07/12 i 44/16). Članom 46. navedenog zakona u kontekstu radnog iskustva decidno je propisano da se za Gradskog pravobranioca ili zamjenika gradskog pravobranioca može imenovati lice koje ima najmanje tri godine radnog iskustva nakon položenog pravosudnog ispita. Samom Odlukom o osnivanju Pravobranilaštva Grada Sarajeva koja je mjenjana na prijedlog pravobraniteljice na nekoj od prethodnih sjednica u članu 17. propisano je da se, u kontekstu radnog iskustva za gradskog pravobranioca ili zamjenika gradskog pravobranioca, može imenovati lice koje ima najmanje tri godine radnog iskustva nakon položenog pravosudnog ispita.

Na poziv Predsjedavajućeg Gradskog vijeća Igora Gavrića, Gradsko vijeće Grada Sarajeva, većinom glasova, izjasnivši se, sa 21 glasom “za”, bez glasova “protiv” i uz dva “suzdržana” glasa prisutnih gradskih vijećnika (jedan gradski vijećnik se nije izjasnio), usvojilo **Odluku o davanju saglasnosti na Pravilnik o unutrašnjoj organizaciji Pravobranilaštva Grada Sarajeva čiji sastavni dio je postalo rješenje iz usvojenog amandmana**.

Ad 7)

Prijedlog Odluke o dopuni Odluke o izvršavanju Budžeta Grada Sarajeva za 2017. godinu

Predsjedavajući Gradskog vijeća Igor Gavrić je najavio razmatranje nove teme.

Poslije izjašnjavanja, **Predsjedavajući Gradskog vijeća Igor Gavrić je konstatirao** da je **Gradsko vijeće Grada Sarajeva, jednoglasno**, sa 23 glasa “za”, bez glasova “protiv” i bez “suzdržanih” glasova prisutnih gradskih vijećnika, usvojilo Odluku o dopuni Odluke o izvršavanju Budžeta Grada Sarajeva za 2017. godinu.

Ad 8)

Izveštaj o preduzetim aktivnostima i toku priprema za održavanje EYOF 2019

U uvodnim napomenama **Predsjedavajući Gradskog vijeća Igor Gavrić** podsjetio je gradske vijećnike da je Izveštaj podnio Gradonačelnik, da je Odbor za društvene djelatnosti razmatrao materijal i ukazao na potrebu rješavanja problema infrastrukture u očekivanom roku, te kontinuiranog

informiranja Gradskog vijeća o ostvarivanju napretka u ovom segmentu i to učestalo, do kraja prvog tromjesečja sljedeće godine, te da je Komisija za Statut i akte podržala formu podnesenog izvještaja.

Na poziv Predsjedavajućeg Gradskog vijeća Igora Gavrića, Gradsko vijeće Grada Sarajeva, jednoglasno, izjasnivši se, sa 22 glasa “za”, bez glasova “protiv” i bez “suzdržanih” glasova prisutnih gradskih vijećnika (jedan gradski vijećnik se nije izjasnio), usvojilo je Izvještaj o preduzetim aktivnostima i toku priprema za održavanje EYOF 2019 kako je podnesen.

Ad 9)

Izvještaj o realizaciji projekta stipendiranja učenika srednjih škola u školskoj 2016/2017. godini

U uvodnim napomenama Predsjedavajući Gradskog vijeća Igor Gavrić podsjetio je gradske vijećnike da je Izvještaj podnio Gradonačelnik. Komisija za pitanja mladih je uputila određene prijedloge i sugestije Gradonačelniku, zatražila dopunu materijala s određenim pokazateljima što je i urađeno, te podnijela inicijativu koja će se razmatrati pod „Vijećničkim pitanjima i inicijativama“ na kraju sjednice. Odbor za društvene djelatnosti je podržao Izvještaj, kao i Komisija za Statut i akte.

Na poziv Predsjedavajućeg Gradskog vijeća Igora Gavrića, Gradsko vijeće Grada Sarajeva, jednoglasno, izjasnivši se, sa 23 glasa “za”, bez glasova “protiv” i bez “suzdržanih” glasova prisutnih gradskih vijećnika, usvojilo je Izvještaj o realizaciji projekta stipendiranja učenika srednjih škola u školskoj 2016/2017. godini.

Ad 10)

Izvještaj o radu i poslovanju JP „Olimpijski bazen Otoka“ d.o.o. Sarajevo za 2016. godinu

U uvodnim napomenama Predsjedavajući Gradskog vijeća Igor Gavrić podsjetio je gradske vijećnike da je Izvještaj podnijela Skupština JP „Olimpijski bazen Otoka“ d.o.o. Sarajevo te da su Odbor za društvene djelatnosti i Odbor za javne službe, infrastrukturu i javni saobraćaj razmatrali materijal i u svom mišljenju predložili određene zaključke, a da je Komisija za Statut i akte podržala formu podnesenog Izvještaja.

U raspravi su svoje stavove i mišljenja iznijeli, odnosno uputili pitanja **gradski vijećnik Toni Vukadin** i **gradski vijećnik Samir Fazlić**, a odgovore na pitanja i dodatna obrazloženja dala je **pomoćnik Gradonačelnika za lokalnu samoupravu Dragana Solaković, predsjedavajuća Skupštine JP „Olimpijski bazen Otoka“ d.o.o. Sarajevo** koja je odgovorila i na pitanja **gradskog vijećnika Tonija Vukadina** koja su uslijedila. Raspravu je nastavio **gradski vijećnik Nuko Grebović**, a zatim je, na zahtjev **predsjedavajućeg Kluba gradskih vijećnika SDA Velije Katica, predsjedavajući Gradskog vijeća Igor Gavrić** najavio pauzu.

Nakon pauze, **Predsjedavajući Gradskog vijeća Igor Gavrić** je najavio nastavak rada, a **gradski vijećnik Velija Katica** je obrazložio razloge za pauzu.

Na poziv Predsjedavajućeg Gradskog vijeća Igora Gavrića, Gradsko vijeće Grada Sarajeva, većinom glasova, izjasnivši se sa 16 glasova “za”, bez glasova “protiv” i uz četiri “suzdržana” glasa prisutnih gradskih vijećnika (četiri vijećnika se nisu izjasnila), usvojilo je Izvještaj o radu i poslovanju JP „Olimpijski bazen Otoka“ d.o.o. Sarajevo za 2016. godinu.

Na poziv, **Predsjedavajućeg Gradskog vijeća Igora Gavrića, Gradsko vijeće Grada Sarajeva, jednoglasno**, izjasnivši se sa 22 glasa “za”, bez glasova “protiv” i bez “suzdržanih” glasova prisutnih gradskih vijećnika (dva vijećnika se nisu izjasnila), na prijedlog Odbora za javne službe, infrastrukturu i javni saobraćaj, usvojilo je sljedeći **zaključak**:

Zadužuje se Gradonačelnik da, u saradnji sa Skupštinom JP „Olimpijski bazen Otoka“, razmotri problematiku i inicira kod nadležnih organa Kantona Sarajevo organizaciju obuke u plivanju za djecu osnovnoškolskog uzrasta, tako da to bude obavezan dio školskog programa – trećeg nastavnog časa tjelesnog odgoja, i to za djecu svih općina u Kantonu Sarajevo, dakle i vangradskih općina, uz sufinansiranje iz sredstava namijenjenih obrazovanju u Kantonu Sarajevo, a uz podršku Grada Sarajeva i općina, te da o tome informira Gradsko vijeće.

Na poziv, **Predsjedavajućeg Gradskog vijeća Igora Gavrića, Gradsko vijeće Grada Sarajeva, jednoglasno**, izjasnivši se sa 19 glasova “za”, bez glasova “protiv” i bez “suzdržanih” glasova prisutnih gradskih vijećnika (četiri gradska vijećnika se nisu izjasnila), na prijedlog Odbora za javne službe, infrastrukturu i javni saobraćaj, usvojilo je sljedeći **zaključak**:

Zadužuje se Skupština JP „Olimpijski bazen Otoka“, da ostvari suradnju s nadležnim subjektima (obrazovnim institucijama, sportskim savezima i sl.), a s ciljem korištenja bazena kao poligona za obuku u procesu dobijanja licenci za rad trenera plivanja i trenera vaterpola, te spasioca.

Ad 11)

Nacrt Odluke o usvajanju Regulacionog plana „Bojnik II“ s Nacrtom Odluke o provođenju Regulacionog plana „Bojnik II“.

U uvodnim napomenama **Predsjedavajući Gradskog vijeća Igor Gavrić** podsjetio je gradske vijećnike da je Predlagač Odluke Gradonačelnik. da je materijal razmatrao Odbor za urbanizam i upotrebu lokalnog zemljišta koji je svoje mišljenje formulirao u vidu zaključaka, te da je Komisija za Statut i akte podržala formu predloženog akta.

Na poziv, **Predsjedavajućeg Gradskog vijeća Igora Gavrića, Gradsko vijeće Grada Sarajeva, većinom glasova**, izjasnivši se sa 19 glasova “za”, bez glasova “protiv”, uz četiri “suzdržana” glasa prisutnih gradskih vijećnika (jedan gradski vijećnik se nije izjasnio), usvojilo je zaključak kojim se Nacrt Odluke upućuje u javnu raspravu.

Ad 12)

Informacija o izvršenju Budžeta Grada Sarajeva za period 01.01. - 31.03.2017. godine

U uvodnim napomenama **Predsjedavajući Gradskog vijeća Igor Gavrić** podsjetio je gradske vijećnike da je Informaciju podnio Gradonačelnik, da je materijal razmatrao Odbor za budžet i finansije i predložio Gradskom vijeću konkretan zaključak.

Na poziv, **Predsjedavajućeg Gradskog vijeća Igora Gavrića, Gradsko vijeće Grada Sarajeva, jednoglasno**, izjasnivši se sa 22 glasa “za”, bez glasova “protiv” i bez “suzdržanih” glasova prisutnih gradskih vijećnika (dva gradska vijećnika se nisu izjasnila), na prijedlog Odbora za budžet i finansije, usvojilo je sljedeći **zaključak**:

Zadužuje se Gradonačelnik, vezano za manje ostvarene prihode od indirektnih poreza i poreza na imovinu, od planiranih u prvom kvartalu tekuće godine (za oko 615.000,00 KM), da prati stanje i da, pri planiranom predlaganju rebalansa, ima u vidu i navedeno.

Budući da nije bilo rasprave, **Predsjedavajući Gradskog vijeća Igor Gavrić** je, zatim, konstatirao da je **Gradsko vijeće Grada Sarajeva primilo k znanju Informaciju o izvršenju Budžeta Grada Sarajeva za period 01.01. - 31.03.2017. godine.**

Ad 13)

Informacija o izgradnji biciklističke staze na potezu Nedžarići-Skenderija

U uvodnim napomenama **Predsjedavajući Gradskog vijeća Igor Gavrić** podsjetio je gradske vijećnike da je Informaciju podnio **Gradonačelnik**, te da je Odbor za javne službe, infrastrukturu i javni saobraćaj razmatrao materijal.

Budući da nije bilo rasprave, **Predsjedavajući Gradskog vijeća Igor Gavrić** je, zatim, konstatirao da je **Gradsko vijeće Grada Sarajeva primilo k znanju Informaciju o izgradnji biciklističke staze na potezu Nedžarići-Skenderija.**

Ad 14)

Informacija o stanju zdravlja mladih u gradu Sarajevu u segmentu promocije odgovarajuće ishrane i fizičke aktivnosti

U uvodnim napomenama **Predsjedavajući Gradskog vijeća Igor Gavrić** podsjetio je gradske vijećnike da je Informaciju podnio **Gradonačelnik**, da su materijal razmatrala radna tijela Gradskog vijeća i to Odbor za društvene djelatnosti koji je zatražio određenu dopunu materijala koja je i izvršena, te Komisija za pitanja mladih koja je predložila zaključak i uputila inicijativu za Gradsko vijeće.

Na poziv, **Predsjedavajućeg Gradskog vijeća Igora Gavrića, Gradsko vijeće Grada Sarajeva, jednoglasno**, izjasnivši se sa 22 glasa “za”, bez glasova “protiv” i bez “suzdržanih” glasova prisutnih gradskih vijećnika (dva gradska vijećnika se nisu izjasnila), na prijedlog Komisije za pitanja mladih, usvojilo je sljedeći zaključak:

Zadužuje se Gradonačelnik da razmotri mogućnost i predloži izdvajanje inicijalnih sredstava za dalje razvijanje projekta “Sarajevo zdravi grad”, a pri predlaganju rebalansa Budžeta Grada Sarajeva kako bi se realizacija projekta nastavila.

Budući da nije bilo rasprave, **Predsjedavajući Gradskog vijeća Igor Gavrić** je, zatim, konstatirao da je **Gradsko vijeće Grada Sarajeva primilo k znanju Informaciju o stanju zdravlja mladih u gradu Sarajevu u segmentu promocije odgovarajuće ishrane i fizičke aktivnosti**

Ad 15)

Vijećnička pitanja i inicijative

Predsjedavajući Gradskog vijeća Igor Gavrić je najavio razmatranje Vijećničkih pitanja i inicijativa i pozvao gradske vijećnike da se najprije odrede o inicijativama koje su dostavljene u pisanoj formi uz poziv za sjednicu Gradskog vijeća.

1. Odbor za javne službe, infrastrukturu i javni saobraćaj uputio je sljedeću inicijativu.

Potrebno je da Grad Sarajevo, pred nadležnim organima Kantona Sarajevo, pokrene pitanje rješavanja problema upravljanja "*kosim liftom*" u naselju Ciglane, a time i funkcije ovog lifta, budući da od 01.06.2017. godine JKP GRAS, d.o.o. Sarajevo neće upravljati ovim javnim prevozom, što bi moglo bitno otežati komunikaciju građana koji žive u naselju Ciglane i na Koševskom Brdu.

Predsjedavajući Gradsko vijeća Igor Gravrić je konstatirao da će inicijativa biti prosljeđena Gradonačelniku na razmatranje.

- 2. Administrativna komisija** uputila je **inicijativu** da Gradsko vijeće donese sljedeći **zaključak**:
Zadužuje se Gradonačelnik da, pri predlaganju Programa obilježavanja Dana grada Sarajeva u 2018. godini, u Program uvrsti kao jednu od manifestacija iz oblasti sporta, Olimpijski boks turnir u Sarajevu čiji organizator bi bio Bokserski savez Bosne i Hercegovine, a na kome bi sudjelovala Olimpijska boks reprezentacija Bosne i Hercegovine i druge reprezentacije koje bi bile pozvane na turnir. Pokrovitelj bi bio Grad Sarajevo u smislu sufinansiranja organizacije turnira.

U raspravi su sudjelovali **gradski vijećnik Enes Peštek** i **gradski vijećnik Nuko Grebović**.

Na poziv, **Predsjedavajućeg Gradskog vijeća Igora Gavrića, Gradsko vijeće Grada Sarajeva, jednoglasno**, izjasnivši se sa 21 glasom “za”, bez glasova “protiv” i bez “suzdržanih” glasova prisutnih gradskih vijećnika (tri gradska vijećnika se nisu izjasnila), usvojilo zaključak kako ga je predložila Administrativna komisija.

- 3. Komisija za pitanja mladih** uputila je **inicijativu** da Gradsko vijeće donese sljedeći **zaključak**:
Zadužuje se Gradonačelnik da razmotri mogućnost formiranja fonda za pomoć učenicima srednjih škola, lošijeg materijalnog stanja, za odlazak na ekskurziju i da o tome izvjesti Gradsko vijeće.

Na poziv, **Predsjedavajućeg Gradskog vijeća Igora Gavrića, Gradsko vijeće Grada Sarajeva, jednoglasno**, izjasnivši se sa 21 glasom “za”, bez glasova “protiv” i bez “suzdržanih” glasova prisutnih gradskih vijećnika (tri gradska vijećnika se nisu izjasnila), usvojilo zaključak kako ga je predložila Komisija za pitanja mladih.

- 4. Komisija za pitanja mladih** uputila je **inicijativu** da Gradsko vijeće donese sljedeći **zaključak**:
Gradsko vijeće upućuje inicijativu gradskim općinama da kontinuirano vode brigu o igralištima i javnim sportskim poligonima na otvorenom na području općina i da insistiraju kod nadležnih organa da poduzmu mjere i aktivnosti da fiksni sportski rekviziti na otvorenom, slobodni za javnu upotrebu, budu uvijek ispravni i u funkciji, te osigurani.

Na poziv, **Predsjedavajućeg Gradskog vijeća Igora Gavrića, Gradsko vijeće Grada Sarajeva, jednoglasno**, izjasnivši se sa 20 glasova “za”, bez glasova “protiv” i bez “suzdržanih” glasova prisutnih gradskih vijećnika (četiri gradska vijećnika se nisu izjasnila), usvojilo zaključak kako ga je predložila Komisija za pitanja mladih.

- 5. Komisija za pitanja mladih** uputila je **inicijativu** da Gradsko vijeće donese sljedeći **zaključak**:
Gradsko vijeće upućuje inicijativu nadležnim organima Kantona Sarajevo da se pri donošenju propisanog podzakonskog akta, utvrdi obaveza promocije zdrave ishrane u školskim kuhinjama, tako da se utvrde kriteriji za nutricionistički sastav namirnica koje su dostupne učenicima u srednjim školama, uz

prepoznavanje potreba djece u posebnom socijalnom statusu, odnosno djece lošijeg imovinskog stanja.

Na poziv, **Predsjedavajućeg Gradskog vijeća Igora Gavrića, Gradsko vijeće Grada Sarajeva, jednoglasno**, izjasnivši se sa 20 glasova "za", bez glasova "protiv" i bez "suzdržanih" glasova prisutnih gradskih vijećnika (četiri gradska vijećnika se nisu izjasnila), usvojilo zaključak kako ga je predložila Komisija za pitanja mladih.

6. Komisija za pitanja mladih uputila je **inicijativu** da Gradsko vijeće donese sljedeći **zaključak**:

Gradsko vijeće upućuje inicijativu nadležnim organima Kantona Sarajevo da se, kao obavezan školski predmet, sa jasno definiranim ciljevima i svrhom, uz potpuno provođenje tako utvrđenog programa, uvrsti postojeći predmet "Zdravi životni stilovi" koji bi, pored promocije zdrave ishrane, sadržavao i dodatne tjelesne aktivnosti (plivanje, fitness na otvorenom i sl). Ovo podrazumijeva i utvrđivanje jasnih stručnih kriterija za izbor nastavnika za ovaj predmet.

Na poziv, **Predsjedavajućeg Gradskog vijeća Igora Gavrića, Gradsko vijeće Grada Sarajeva, većinom glasova**, izjasnivši se sa 18 glasova "za", jednim glasom "protiv" i uz jedan "suzdržan" glas prisutnih gradskih vijećnika (četiri gradska vijećnika se nisu izjasnila), usvojilo zaključak kako ga je predložila Komisija za pitanja mladih.

7. Gradski vijećnik Igor Gavrić, Predsjedavajući Gradskog vijeća, uputio je **inicijativu** da **Gradsko vijeće Grada Sarajeva** donese sljedeći **zaključak**:

Zadužuje se Gradonačelnik da, na cjelovit način razmotri problematiku kontinuiranog odlaganja pripreme i izrade Nacrta Regulacionog plana "Brdo Hrasno", te poduzme sve potrebne mjere i aktivnosti u suradnji s Općinom Novo Sarajevo i Vijećem ministara Bosne i Hercegovine kako bi se, što je prije moguće, ostvarili uvjeti za konačno utvrđivanje Nacrta Regulacionog plana "Brdo Hrasno" i da Gradskom vijeću, za sljedeću sjednicu, dostavi cjelovitu informaciju o rezultatima takve aktivnosti, sa prijedlogom mjera koje bi Gradsko vijeće moglo poduzeti za prevazilaženje problema koje evidentira, ukoliko to bude potrebno (eventualno podnošenje inicijative nadležnim organima i dr.).

Na poziv, **Predsjedavajućeg Gradskog vijeća Igora Gavrića, Gradsko vijeće Grada Sarajeva, jednoglasno**, izjasnivši se sa 22 glasa "za", bez glasova "protiv" i bez "suzdržanih" glasova prisutnih gradskih vijećnika (dva gradska vijećnika se nisu izjasnila), usvojilo zaključak kako ga je predložio gradski vijećnik Igor Gavrić.

8. Gradski vijećnik Nihad Uk uputio je sljedeću **inicijativu**.

"Podnosim inicijativu da se u spomen-parku preko puta FIS-a (ul. Mis Irbina) postave spomen obilježja uvaženom bosanskohercegovačkom kantautoru Kemal Montenu kao i bosanskohercegovačkom piscu i novinaru Dariu Džamonji. Pomenuti park urbanistički je predviđen kao spomen-park u kojem se već nalaze spomenici Mirzi Delibašiću i Davorinu Popoviću. Kemal Monteno i Dario Džamonja zaslužni su građani našeg grada koji su svoj radni vijek posvetili afirmaciji i promociji grada Sarajeva i postavljanjem spomen obilježja Grad bi se djelomično odužio za sve ono što su učinili. Pomenuti park nosi i simboličnu vrijednost za K. Montena i D. Džamonju s obzirom na lokaciju ali i već podignute spomenike M. Delibašiću i D. Popoviću".

Na poziv, **Predsjedavajućeg Gradskog vijeća Igora Gavrića, Gradsko vijeće Grada Sarajeva, većinom glasova**, izjasnivši se sa 22 glasa “za”, jednim glasom “protiv” i uz jedan “suzdržan” glas prisutnih gradskih vijećnika (dva gradska vijećnika se nisu izjasnila), podržalo podnesenu inicijativu, te je ona postala **inicijativom Gradskog vijeća**.

9. U povodu inicijative za podizanje spomenika Kemal Montenu i Dariu Džamonji koja je postala inicijativom Gradskog vijeća, **gradski vijećnik Nuko Grebović**, je podnio **inicijativu** Gradskom vijeću da donese sljedeći **zaključak**:

Zadužuje se Gradonačelnik da poduzme sve potrebne mjere i aktivnosti da se uredi lokalitet (pristup za invalidna lica i za djecu, rekonstrukcija fontane i dr.), na kome su postavljeni spomenici Mirzi Delibašiću i Davorinu Popoviću, pri realizaciji inicijative da se Grad Sarajevo na istom lokalitetu i na isti način podigne spomenike i Kemal Montenu i Dariu Džamonji i da se u buduće kontinuirano vodi briga o održavanju lokaliteta i spomenika.

Na poziv, **Predsjedavajućeg Gradskog vijeća Igora Gavrića, Gradsko vijeće Grada Sarajeva, jednoglasno**, izjasnivši se sa 18 glasova “za”, bez glasova “protiv” i bez “suzdržanih” glasova prisutnih gradskih vijećnika (šest gradskih vijećnika se nije izjasnilo), usvojilo je **zaključak** kako ga je predložio gradski vijećnik Nuko Grebović.

10. **Komisija za jednakopravnost spolova** uputila je **inicijativu** Gradskom vijeću da donese sljedeći **zaključak**:

Obavezuju se predlagači odluka, odnosno subjekti koji donose odluke o formiranju organa i tijela u okviru djelokruga Grada Sarajeva, da predlože, odnosno odlučuju o budućim članovima, tako da budu zadovoljena i nacionalna i spolna struktura na odgovarajući način.

Na poziv, **Predsjedavajućeg Gradskog vijeća Igora Gavrića, Gradsko vijeće Grada Sarajeva, jednoglasno**, izjasnivši se sa 19 glasova “za”, bez glasova “protiv” i bez “suzdržanih” glasova prisutnih gradskih vijećnika (pet gradskih vijećnika se nije izjasnilo), usvojilo je **zaključak** kako ga je predložila Komisija za jednakopravnost spolova.

11. **Gradski vijećnik Adnan Talić** je uputio **inicijativu** koja je, između ostalog, imala sljedeći sadržaj.

Traži se od Komisije za Statut i akte da u skladu s propisanom procedurom, predloži autentično tumačenje vezano za sukob interesa, budući da je član Etičkog vijeća izrazio sumnju u postojanje sukoba interesa, a pri izboru članova radnih tijela Gradskog vijeća.

12. **Gradski vijećnik Srđan Srđić** uputio je usmeno, a zatim predao u pismenoj formi, sljedeću **inicijativu**.

"Ovim putem podnosim inicijativu da Grad Sarajevo i Gradonačelnik Abdulah Skaka poduzmu sve potrebne mjere kako bi se "Trg žrtava Srebrenice" na Željezničkoj stanici u Novom Sarajevu doveo na nivo koji to i zaslužuje. Srećom je i za glavni grad a i za državu BiH što je ovaj trg tako zapušten, pa mi je nekako nemoguće i povjerovati da ovakvo stanje zapuštenosti trebada podsjećati na žrtve genocida u Srebrenici. Fontana ne radi, često je puna i smeća, pločnici su oštećeni, pa sve u svemu velika bruka i sramota za sve nas. Umjesto da turiste i sve koji dolaze u naš glavni grad, pri izlasku iz vozova i autobusa dočeka jedna

uređena simbolika, trg izgleda sablasno i ružno. Upoznat sam da se je i prije pokušavalo sa sličnim inicijativama ali, ali da Grad Sarajevo nije imao dovoljno novca za realizaciju. Za ovu godinu imamo sredstva na budžetu, samo je potrebno malo više volje i htjenja. Imamo novu i mlađu postavu ljudi i za koje ne sumnjam da će se pozabaviti ovom problematikom. Insistiram da se ozbiljno pristupi ovoj inicijativi jer zaista bi trebalo pokazati više poštovanja prema žrtvama genocida u Srebrenici. Smisao podizanja spomenika nije u tom da se on samo postavi i da mu se da ime, bitno je da taj spomenik i održavati da traje i podsjeća na ono što se nekada prije i desilo, to jeste na stravični genocid i stradanje ljudi u, u tom gradu".

13. Gradski vijećnik Vibor Handžić usmeno je uputio i pismeno dostavio sljedeće **vijećničko pitanje**.

"Na osnovu člana 148. Poslovnika Gradskog vijeća Grada Sarajeva, ovim putem upućujem sljedeće vijećničko pitanje:

Kada i na koji način će se vršiti dodjela sredstava Udruženju oboljelih od celijakije u Kantonu Sarajevo, predviđenih Budžetom Grada Sarajeva za 2017. godinu?

Obrazloženje:

Na 45. redovnoj sjednici prošlog saziva Gradskog vijeća Grada Sarajeva ispred Kluba gradskih vijećnika Naše stranke, podnio sam amandman za uvrštavanje granta Udruženju oboljelih od celijakije u Kantonu Sarajevo u iznosu od 10.000,00 KM koji je uvršten u Budžet za 2017. godinu. Koliko smo upoznati, još uvijek nije izvršena dodjela pomenutih sredstava Udruženju koje se bavi pravima oboljelih od celijačne bolesti, te nas stoga interesuje kada možemo očekivati izvršenje ove budžetske stavke i na koji način će se predviđena sredstva dodijeliti Udruženju".

Gradski vijećnik Almedin Miladin je obavijestio Gradsko vijeće da će ubuduće djelovati kao samostalni vijećnik.

14. Gradski vijećnik Miro Lazović usmeno je uputio **vijećničko pitanje** sljedećeg sadržaja.

U prošlom mandatu, Gradsko vijeće Grada Sarajeva je donijelo odluku kojom se Grad Sarajevo opredijelio na formiranje subjekta koji će preuzeti, odnosno učiniti dostupnim javnosti dokumentaciju Međunarodnog suda za ratne zločine u Hagu. Prije dva dana je istekao rok koji je postavljen usvajanjem takvog akta Gradskog vijeća. Potrebno je informirati Gradsko vijeće o tome u koj fazi je preuzimanje predmetne dokumentacije, odnosno je li Grad Sarajevo poduzeo odgovarajuće mjere za realizaciju preuzete obaveze.

15. Gradski vijećnik Vedran Dodik je uputio vijećničko **pitanje**, koje je, između ostalog, imalo sljedeći sadržaj.

U prošlom sazivu Gradskog vijeća, 2013. ili 2014. godine, upućena je inicijativa o kojoj se Gradsko vijeće izjašnjavalo, a po kojoj nikad ništa nije poduzeto, iako je inicijativa upućena nadležnim organima. Potrebno je da se inicijativa ponovi, odnosno da se zaduži Gradonačelnik da je obnovi. Svom potrebnom dokumentacijom raspolaže Gradska uprava.

Potrebno je, dakle, uputiti inicijativu Parlamentu Federacije BiH u smislu zahtjeva da se implementira Ustavni naziv i ovog kantona kao Kantona 9. Svi kantoni imaju svoje oznake i samo je navedeno ime sjedišta kantona. Suština te inicijative je da ne može jedinica lokalne samouprave - grad imati isti naziv kao federalna jedinica - kanton. Znači, ne može naziv kantona biti "Kanton Sarajevo" i istovremeno egzistirati i ime "Grad Sarajevo". Ustavom

određen Kanton 9 se može eventualno zvati "Sarajevski kanton", a ne može imati isti naziv kao što ima Grad Sarajevo.

Potrebno je da se to promijeni i da Kanton 9 dobije naziv kao i drugi kantoni, Tuzlanski, Zeničko-Dobojski itd, a da naziv Sarajevo isključivo pripada Gradu Sarajevu.

Predsjedavajući Gradskog vijeća Igor Gavrić je najavio održavanje Pete sjednice Gradskog vijeća Grada Sarajeva za 28. 06. 2017. godine, sjednice Kolegija Gradskog vijeća u pripremi Pete sjednice Gradskog vijeća za utorak 6. juna, te sjednice radnih tijela Gradskog vijeća u sedmici koja započinje 12. juna.

Zatim je zaključio rad Četvrte sjednice Gradskog vijeća, te uputio čestitke vjernicima za nastupajući Bajram.

Sjednica Gradskog vijeća Grada Sarajeva završena je u 14 sati i 12 minuta.

Sastavni dio ovog zapisnika je izvornik i tonski snimak o radu Gradskog vijeća koji se čuvaju u Službi Gradskog vijeća Grada Sarajeva.

*SEKRETAR GRADSKOG VIJEĆA
Safet Krajišnik, s.r.*

*PREDSJEDAVALJUĆI GRADSKOG VIJEĆA
Dr. Igor Gavrić, s.r.*